



**SCOLA
LUMNEZIA**

260.00

Reglament structuraras dil di extendidas

dil matg 2013, vers. 1.1



Structuras dil di complementararas per la vischnaunca Lumnezia

Situaziun da partenza

Las structuraras dalla societad e famigliaras ein suttamessas a midadas continuontas e ch'ei adina semidadas pli dabot. Quellas midadas influenzeschan considerablamein igl ambient dils scolars seigi quei en famiglia ni sil sectur da scola.

Adina dapli geniturs giavischan structuraras dil di complementararas. Quei ei il motiv che la regenza grischuna ha relaschau ils 19 da mars 2013 in'ordinaziun sebasond sigl art. 97 dalla lescha da scola grischuna e sigl art. 10 dalla lescha davart la promoziun dalla tgira d'affons complementarara alla famiglia.

El davos quartal digl onn da scola eruescha quella mintgamai il basegns. Quella duess succeder per regla per il mument ch'ils uraris da scola ein enconuschents. Quel fuorma per ils geniturs in basa per decider tgei unitads ch'ei cuvegnentas per els sper las uras da scola, resp. sper las uras da bloc.

Reglament da menaschi e tariffas

1. Basegns

In basegns ei indicau, sche las personas cun la pussonza da geniturs da sil pli pauc otg scolaras e scolars d'in liug da scola s'obligheschan da far diever d'ina certa unitad d'assistenza per igl entir onn da scola. (art. 6, ordinaziun davart structuraras dil di).

Il basegns vegn eruius ina gada ad onn, sil pli tard 2 meins avon l'entschatta digl onn da scola (art. 6, ordinaziun davart structuraras dil di).

2. Porschida en general

Las structuraras dil di vegnan porschidas duront las jamnas da scola senza ils firaus, gliendisdis entochen venderdis, dallas 07.30 – 18.00 uras.

Las structuraras dil di consistan dallas suandontas porschidas d'assistenza: avonmiezdi, miezdi cun gentar, suentermiezdi.

3. Porschida duront il di

a) Porschida avonmiezdi (07.30 – 08.05 uras)

La scola porscha la pussevliadad da far pensums cun survegionza.

b) Porschida da miezdi (11.40 – 13.00 uras)

La scola porscha ina meisa da miezdi cun survegionza dallas 11.40 – 13.00 uras.

c) Porschida suentermiezdi (13.00 – 18.00 uras)

La scola porscha activitads survegiladas adequatas als affons annunziai (p.ex. pussevliadad da far pensums, activitads sportivas, porschidas creativas etc.). Il program detagliau sedrezza tenor las annunzias e vegn communicau all'entschatta digl onn da scola.

Tut las porschidas ein mo lu garantidas, sche sil pli pauc otg scolaras e scolars per liug da scola fan diever dad ellas, exceptiu l'unitad da miezdi (senza mesjamna) a Cuschnaus e Vella.

4. Presenza ed absenzas dils affons

Per affons annunziai ei l'unitad elegida da principi obligatoria. Per absenzas e cungedis valan las medemas reglas sco per il temps da scola. Ils affons han dad esser punctuals sin l'entschatta dall'unitad el liug indicau.

5. Organisaziun dils transports

La scola porscha ils transports usitai (damaun, miezdi e la sera tenor urari da scola).



Fa ina affon diever dallas structurass dil di ordeifer igl urari da scola, ein ils geniturs responsabels per ils viadis allas structurass dil di ed a casa.

6. Annunzia per las structurass dil di

Ils geniturs inoltreschan l'annunzia alla scola sil termin indicau.

Cun la sutscriziun dil formular d'annunzia per las structurass dil di ei l'annunzia ligionta ed ils geniturs van d'accord cun il reglament corrispundent inclusiv la survesta da tariffas.

L'annunzia vala mintgamai per in onn da scola.

7. Exclusiun dad in affon

Sch'in affon maunca pliras gadas senza perstgisa ni sche las pretensiuns educativas survargan las pusseivladads dil personal, dat ei in discuors culs geniturs.

Dat ei negina migliur dil cumportament, sa la scola excluder la scolara / il scolar temporarmein u definitivamein dallas structurass dil di.

In`exclusiun temporara deliberescha buca ils geniturs dils cuosts per las structurass dil di. Las tariffas ston vegnir pagadas durant il temps d'exclusiun.

Tariffas / Regulaziuns da pagament

1. Las tariffas

Las tariffas actualas ein fixadas sin la survesta da tariffas aschuntada a quest reglament.

2. Quen e pagament

Ils cuosts per il diever dallas structurass dil di vegnan tschentai a quen posteriuramein. Igl import vegn calculaus cun il diember effectiv dils dis da scola, excepuiu ils firaus.

Tier cass d'absenza (inclusiv esser malsauns) dat ei da principi negina reducziun dil quen. Il quen vegn tschentaus duas gadas durant igl onn da scola (fin december; fin zercladur).

3. General

a) Assicuranzas

Il purtader da scola ei responsabels per il menaschi dallas structurass dil di, aschia ein ils affons annunziati per las structurass dil di segirai entras la segirada d'accidents dalla scola tenor (lescha da scola art. 52).

b) Comunicaziun

La persuna d'instrucziun da classa ei la persuna da contact/comunicaziun pertuccont las structurass dil di el mintgadi. En cass da damondas organisatoricas, finanzialas etc. surpren il menader da scola quella funcziun.

4. Approbaziun e vigur

Quest reglament ei vegnius approbaus dil cussegl da scola a caschun dalla sesida dils 23 da matg 2013 ed entra en vigur cun gl'emprem d'uost 2013.

Lumnezia, matg 2013

Cussegl da scola Lumnezia

La presidenta:


Elisabeth Lorez

Il menader da scola:


Conradin Caduff